

შევიდეს ცვლილება სსიპ-ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოს გადაწყვეტილებებით (2014 წლის 26 ივნისის N3 ; 2014 წლის 9 ოქტომბრის N6; 2015 წლის 5 ოქტომბრის N5; 2018 წლის 12 თებერვლის N1; 2020 წლის 25 დეკემბრის N4 და 2021 წლის 26 მარტის N2 სხდომის ოქმებით) დამტკიცებულ სსიპ - ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის დებულებაში და სსიპ - ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის დებულების 32-ე მუხლის მე-10 პუნქტს დაემატოს ლ ქვეპუნქტი: „ლ. შოთა ძიძიგურის სახელობის ბასკოლოგიის ცენტრი.“

The bottom of the page features three handwritten signatures in blue ink. The first signature on the left is large and stylized. The second signature in the middle is smaller and more compact. The third signature on the right is a long, horizontal stroke. Below the second and third signatures, there is a faint, illegible stamp or text.

ივანე ჯავახიშვილის სახელობის თბილისის  
სახელმწიფო უნივერსიტეტის  
წარმომადგენლობითი საბჭოს სამდივნოს  
უფროსს,

ბატონ გიორგი ჩაკვეტაძეს


ბატონო გიორგი,

გთხოვთ წარმომადგენლობითი საბჭოს უახლოეს სხდომაზე განიხილოთ  
ჰუმანიტარულ მეცნიერებათა ფაკულტეტის დებულებაში ცვლილებების შეტანის  
საკითხი.

იხილეთ დანართები.

პატივისცემით

ნანა გაფრინდაშვილი



თსუ ჰუმანიტარულ მეცნიერებათა ფაკულტეტის დეკანი, პროფესორი

თსუ ჰუმანიტარულ მეცნიერებათა ფაკულტეტის საბჭოს სხდომის

ოქმი N 13

2021 წლის 22 ოქტომბერს, პარასკევს, 15 საათზე, Zoom-ის პლატფორმაზე ჩატარდა ჰუმანიტარულ მეცნიერებათა ფაკულტეტის საბჭოს სხდომა.

სხდომას ესწრებოდა ფაკულტეტის საბჭოს 22 წევრი: პროფ. ნანა გაფრინდაშვილი, პროფ. ქეთევან ხუციშვილი, პროფ. ნინო ჩიქოვანი, პროფ. ცირა ბარამიძე, ასოც. სილაგაძე, პროფ. ვალერიან რამიშვილი, პროფ. კახაბერ ლორია, პროფ. დავით გოცირიძე, პროფ. ნანა ტონია, პროფ. რამაზ ქურდაძე, პროფ. თეიმურაზ პაპასქირი, პროფ. ვასილ კაჭარავა, ასოც. პროფ. ნინო წერეთელი, ასოც. პროფ. კონსტანტინე ბრეგაძე, პროფ. დარეჯან გარდავაძე, პროფ. დარეჯან თვალთვაძე, სტუდენტი თამარ ჩუტკერაშვილი, პროფ. დემურ ჯალაღონია, პროფ. ელგუჯა ხინთიბიძე, სტუდენტი გრიგორ ხაჩატუროვი, ასოც. პროფ. თეა წითლანაძე, პროფ. ვახტანგ ლიჩელი

სხდომას ასევე ესწრებოდნენ: ჰუმანიტარულ მეცნიერებათა ფაკულტეტის კანცელარიის უფროსი თამარ მოკვერაშვილი, თსუ ჰუმანიტარულ მეცნიერებათა ფაკულტეტის დეკანის თანაშემწე თეა კალანდია, თსუ ჰუმანიტარულ მეცნიერებათა ფაკულტეტის სამეცნიერო კვლევებისა და განვითარების სამსახურის უფროსი ეკატერინე ნავროზაშვილი, თსუ ჰუმანიტარულ მეცნიერებათა ფაკულტეტის სამეცნიერო კვლევებისა და განვითარების სამსახურის მთავარი სპეციალისტი (1 კატეგორია) ფიქრია ვარდოსანიძე, თსუ ჰუმანიტარულ მეცნიერებათა ფაკულტეტის სასწავლო პროცესების მართვის სამსახურის უფროსი ზვიად მურადაშვილი

სხდომის თავმჯდომარე - ფაკულტეტის დეკანი,  
პროფ. ნანა გაფრინდაშვილი

მდივანი - ასოც. პროფესორი ნინო წერეთელი

დღის წესრიგი

7. შოთა ძიძიგურის სახელობის ბასკოლოგიის სამეცნიერო ცენტრის დაარსება.



მოისმინეს: 7. შოთა ძიძიგურის სახელობის ბასკოლოგიის სამეცნიერო ცენტრის დაარსების შესახებ.

ფაკულტეტის საბჭოს თავმჯდომარემ, პროფ. ნანა გაფრინდაშვილმა, ფაკულტეტის საბჭოს წევრებს მიაწოდა ინფორმაცია თსუ ჰუმანიტარულ მეცნიერებათა ფაკულტეტზე შოთა ძიძიგურის სახელობის ბასკოლოგიის სამეცნიერო ცენტრის დაარსების შესახებ.

მან აღნიშნა:

ძველი ბერძნული და ძველი რომაული წყაროების მიხედვით, მოგეხსენებათ, ორი იბერია არსებობდა: აღმოსავლური და დასავლური. ბასკები ევროპელი იბერიელების შორეულ ნათესავებად იყვნენ მიჩნეული.

ყველას გახსოვთ, ბასკურ-კავკასიური ჰიპოთეზა, რომლითაც მრავალი ისტორიკოსი თუ ფილოლოგი დაინტერესდა. ამ საკითხებით ინტერესდებოდნენ ნიკო მარი, შუხარდტი, ჩიქობავა და სხვ.

1987 წელს გამოიცა სტატიების კრებული „ბასკური ენა და ბასკურ-კავკასიური ჰიპოთეზა“ არნოლდ ჩიქობავას რედაქტორობით, მანამდე ცოტა ადრე, 1981 წელს შოთა ძიძიგურმა გამოსცა თავისი გახმაურებული სამეცნიერო-პოპულარული შინაარსის წიგნი „ბასკურ-კავკასიური პრობლემა“ ბესო ჯორბენაძის რედაქტორობით.

1984 წელს შოთა ძიძიგურის რედაქტორობით რუსულ ენაზე გამოიცა რენე ლაფონის „ბასკური ზმნის სისტემა“.

საქართველოში ბასკოლოგიის განვითარებაში უდიდესი წვლილი შეიტანა ცნობილმა ენათმეცნიერმა იური ზიცარმა, რომელიც 70-იანი წლებიდან დამკვიდრდა საქართველოში და თბილისის სახელმწიფო უნივერსიტეტში მოღვაწეობდა. მან თსუ-ში შექმნა ბასკოლოგიის სკოლა, რამაც განაპირობა ბასკოლოგიის შემდგომი განვითარება.

მისმა მოსწავლეებმა გიორგი შალამბერიძემ, მედეა ლლონტმა, გრეტა ჩანტლაძემ, ქეთევან მეგრელმა, ნათელა სტურუამ, სალომე გაბუნია, რევაზ ჭანტურია, თამარ მახარობლიძემ წარმატებით დაიცვეს დისერტაციები ბასკოლოგიის აქტუალურ პრობლემებზე.

ასევე, დიდია ცნობილი პოლონელი ქართველოლოგის, იან ბრაუნის, დამსახურება ქართულ-ბასკური პრობლემების კვლევაში. მან თავისი კვლევის შედეგები შეაჯამა და გამოაქვეყნა 1998 წელს ვარშავაში გამოცემულ მონოგრაფიაში. როგორც ვხედავთ, საკმაოდ საინტერესო ისტორია აქვს ქართულ ბასკოლოგიას.

ვფიქრობთ, ამ ტრადიციებს აღდგენა და შემდგომი განვითარება სჭირდება. ჩვენი მიზანია ამ დარგის ავალორძინება უნივერსიტეტში, რადგან ქართულ ბასკოლოგიას მნიშვნელოვანი წვლილის შეტანა შეუძლია მსოფლიო ბასკოლოგიის განვითარებაში.

ისიც უნდა აღინიშნოს, რომ ამ საქმით ბასკური მხარეც ძალიან არის დაინტერესებული. მათ უკვე გამოგზავნეს პედაგოგი, რომელიც ასწავლის ბასკურ ენასა და კულტურას და აღგვითქვს ყველანაირი მხარდაჭერა.

ყოველივე ზემოთქმულის გათვალისწინებით გათავაზობთ, ფაკულტეტზე შეიქმნას ბასკოლოგიის სამეცნიერო ცენტრი, რომლის მიზანი იქნება:



- ✓ ბასკოლოგიის პრობლემების, ქართულ-ბასკური ურთიერთობების კვლევა ცენტრისა და ფაკულტეტის სამეცნიერო-საგანმანათლებლო პოტენციალის გამოყენებით;
- ✓ საუნივერსიტეტო საზოგადოების, ქვეყნის აკადემიური წრეებისა და ფართო საზოგადოების ყურადღების მიპყრობა ბასკოლოგიური კვლევებისადმი.
- ✓ სტუდენტების დაინტერესება და მათი ჩაბმა ბასკოლოგიურ კვლევებში.

აღნიშნული მიზნების მისაღწევად ცენტრი

- ✓ ორგანიზებას გაუწევს სტუდენტთა სამეცნიერო მუშაობას ამ მიმართულებით;
- ✓ მოაწვდის სამეცნიერო-სასწავლო კონფერენციებს;
- ✓ სასწავლო თუ სამეცნიერო მიზნებიდან გამომდინარე მოიწვევს სპეციალისტებს.
- ✓ შექმნის პირობებს უნივერსიტეტის სამეცნიერო მუშაობაში ბასკური მხარის მონაწილეობისათვის;
- ✓ ხელს შეუწყობს სტუდენტების დაინტერესებას ბასკოლოგიით.

სიამოვნებით მოვისმენ თქვენს მოსაზრებებს.

აზრი გამოთქვებს: პროფ. რამაზ ქურდაძემ, პროფ. ცირა ბარამიძემ, პროფ. ე. ხინთიბიძემ, პროფ. დარეჯან თვალთვაძემ, პროფ. დარეჯან გარდავაძემ

პროფ. რამაზ ქურდაძემ აღნიშნა, რომ სიხარულით და მადლიერებით მიესალმება ბასკოლოგიის ცენტრის შექმნას, მით უმეტეს, რომ შესრულდა 110 წელი ბ-ნი შ. ძიძიგურის დაბადებიდან, რომელმაც უზარმაზი წვლილი შეიტანა საუნივერსიტეტო საზოგადოების, ქვეყნის აკადემიური წრეებისა და ფართო საზოგადოების ყურადღების მიპყრობაში ბასკოლოგიური კვლევებისადმი. ამ ცენტრის შექმნა მნიშვნელოვანი იქნება მომავალი თაობებისთვისაც. აღნიშნული ცენტრი ხელს შეწყობს მეტი სიცხადე შევიდეს იბერიულ-ქართული და ბასკური ენების მონათესაობის საკითხში.

პროფ. ცირა ბარამიძემ აღნიშნა, რომ ცენტრის შექმნა ძალიან მნიშვნელოვანია. წლების წინ იგი და პროფ. მიხეილ ქურდიანი იმყოფებოდნენ ესპანეთში, სადაც დიდი ინტერესი გამოიჩინეს ქართულ-ბასკური ურთიერთობებისადმი. მან ასევე აღნიშნა, რომ ესპანურმა მხარემ მას გადასცა ბასკური ენის სახელმძღვანელო, რომელიც შესაძლებელი იქნება გამოყენებულ იქნას ცენტრის შექმნის შემთხვევაში. ასევე მან აღნიშნა, რომ შემუშავებული აქვს სილაბუსი ბასკური ენის შესწავლასთან დაკავშირებით.

პროფ. ელგუჯა ხინთიბიძემ ასევე დასძინა, რომ წლების წინ იგი სამეცნიერო მივლინებით იმყოფებოდა ბასკეთში, სადაც წაიკითხა ლექციები. მან აღნიშნა, რომ ქართულ-ბასკური ენების მონათესაობაზე არსებობს აზრთა სხვადასხვაობა. ზოგი

ემხრობა ამ თეორიას, ზოგი პირიქით – ეწინააღმდეგება. ჯერ კიდევ ნიკო მარმა ბასკეთს უწოდა ესპანეთის გურია. ამიტომ მას აუცილებელად მიაჩნია გაგრძელებს სიღრმისეული მეცნიერული კვლევა ამ მიმართულებით.

პროფ. დარეჯან თვალთვაძემ შემოიტანა წინადადება ამ ცენტრს ეწოდოს შოთა ძიძიგურის სახელობის ბასკოლოგიის ცენტრი, სადაც განხორციელდება როგორც სამეცნიერო, ასევე სასწავლო-საგანმანათლებლო პროექტები.

მას დაეთანხმა საბჭო.

ფაკულტეტის საბჭოს თავმჯდომარემ, პროფ. ნანა გაფრინდაშვილმა საკითხი გამოიტანა კენჭისყრაზე

მხარი დაუჭირა საბჭოს 22 წევრმა, წინააღმდეგი: 0; თავი შეიკავა: 0.

დაადგინეს: 1. ჰუმანიტარულ მეცნიერებათა ფაკულტეტის დებულების 32-ე მუხლის მე-10 პუნქტს დაემატოს ლ ქვეპუნქტი: შოთა ძიძიგურის სახელობის ბასკოლოგიის ცენტრი.

სხდომის თავმჯდომარე:



/ნანა გაფრინდაშვილი/